

大方廣佛華嚴經論卷第二十三 勿三

理教義

唐方山長者李通玄造

梵行品第十六

將釋此品約作三門分別○一釋品名目
二釋品來意○三隨文釋義

勿三

一

○第一釋品名目者何故云梵行品梵者此
云淨也云以其淨行利衆生故常居世間行
一切行法化利衆生無行可得則無行不淨
是故名爲梵行也又約能問之主名曰正念
無念之念名爲正念隨行無念名爲正念行
念總無以斯益物名第一義天以天有慈名
爲天子又約能說之人名爲法慧隨行無念
名之爲法以法簡情名之爲慧起情乖理名
爲法慧達理情亡名爲法慧今約能問之主
所說法人及所說法總名淨行品品者均分

○第二釋品來意者前品明住佛無所住之
門故還行無行之行是故此品須來無住之
住名爲佛住無行之行利益無衆生之衆生
名爲淨行是故此品須來

○第三隨文釋義者科此一品經約作七門
分別

○第一爾時已下三行經是正念天子所請
分

○第二法慧菩薩已下至佛法僧戒可兩行
半經正舉十法以爲所觀之緣分

○第三應如是觀已下至如是觀已有二十
六行半經是正行觀法分

○第四從於身無所取已下至名爲清淨梵
行於中可有十行經通觀三世及身受想行

識佛法悉平等具足一切佛法分

○第五復應修習十種法已下至永斷習氣智於中可三行半經正舉如來十種智力令修習分

○第六於如來十力已下至不求果報於中

可三行經勸修十力有迷諮問并起大悲分

○第七了知境界已下可四行半經明了法如幻觀終獲益成佛分

如是依如上觀行令身口意業佛法僧戒色受想行識身邊二見三世遠近總無又無能受想行識身體二見三世遠近總無又無能

則不出剎那之際身行徧周等虛空而無盡若存其有即一切剎海現色像重重若置其無萬境不可窺其體以不思不惟而知衆法將不造不作而辦大功非生死變其志非苦樂移其性若非神之稱理者不可以情想知

不可以滅心得以此如來設淨行之教觀法盡也始正法當興諸見亡也佛智方起是知見亡智應名初發心時便成正覺具足慧身不由他悟是故後學之士應法修行不可以逐境沉淪迷流永劫更欲解其上義慮將言豈障理以亂後學之心但如上所說之經多勸三少自然恰中如一百四十願名淨行者是十信位中以願成世間知見萬法以爲淨行此十住位中以行體無爲無性名爲淨行以此淨行用成智用自在此淨行品成十住中初

發心之佛果亦爲已後十行十迴向十地等作佛果故從此無性之行行清淨故一切諸行皆清淨故諸行淨則智慧淨智慧淨則其心淨其心淨則諸法淨諸法淨名法界淨法界淨即衆生淨衆生淨則佛國土淨行此法平等者名爲淨行也

初發心功德品第十七

夫以初發心之士功德難量舉等虛空無以比其類磨盡刹塵無以酬其匹虛空但明無相之大一切刹塵但明形礙之廣焉能對其

菩提心福智之境其智也於剎那之際滿十方現身如雲狀因陀羅網妙像相入光影重重各各以一音普周法界說等衆生教門如雨灑衆生心得清涼樂爾其福也妙相莊嚴與華藏而同其體爲初發心之際與十方

諸佛等住無盡劫海在剎那之中延促相似如一小流入大海中與大海等以水體不別故如初發心菩薩纔入諸佛大智慧流中等佛功德故爲初入與究竟時無延促又智慧一故爲誓度衆生悉令成佛志願等故又如

十方世界盡抹爲塵一一塵中有無量佛刹無量衆生如菩提心大智慧身於一剎那際等一切刹塵供養諸佛教化衆生一時等偏但以智慧力故法如是故智偏周故亦不作神通變化之想初發心菩薩志樂廣大與佛

發菩提心菩薩初生如來智慧種性家時智

慧所知不異佛故三世時劫無延促見不異

佛故志樂廣大教化衆生不異佛故從初發

心乘如來一切智乘不出剎那際成等正覺

教化衆生不異佛故設於三乘順世情教說

勿三

四

三祇劫而成佛者畢竟迴心入此一切智境

界乘方得成佛如法華經即是所迴三乘入

一切智境界之教如龍女一剎那際一生成

佛者是也一切衆生總須悟如此法方得成

佛不可取如來三乘中順世方便之言以法

如是故如此品下文云初發心菩薩纔發心

時即爲十方一切諸佛所共稱歎即能說法

教化調伏一切世界所有衆生乃至示現成

佛等廣如此品下文所說此品之內長行總

有四十段經意也頌有二百四十二行以歎

初發心菩薩之功德其文如下

勿三

五

將釋此品約作三門分別○一釋品名目○二釋品來意○三隨文釋義

○第一釋品名目者此品名初發心功德品者創始發心見無古今名之爲初無心智應

名之爲發身邊見盡名之爲心不爲而成大

果名之爲功但化利一切不忻來報自獲無

邊妙相莊嚴故名之爲德又福智徧周名之

爲功事無不達名之爲德品者均分教義

○第二釋品來意者前品既有淨行之功此

品所明淨行之中無邊功德是故此品須來

○第三隨文釋義者復分二門△第一長科

經意△第二隨文解說

△第一長科經意者從初爾時已下至品末

已來長科爲四十段

○一爾時已下至其量幾何有一行半經是天帝請說發心功德分

○二法慧菩薩言已下至而爲汝說可三行半經明初發心功德甚深十種難知許說分

○三佛子已下至無能量者可五行經明一人所供十方各一阿僧祇世界衆生并令淨持五戒且舉功德廣大難量分

○四法慧菩薩已下至亦不及一有五行半經明將前所有廣多供養功德不可比對初發心功德無比近喻分正明將人所供養不

可校量如歌羅分者是將多比少不如喻如折人身上毛作百分將前人所作功德不如初發心菩薩百分毛中一分毛許功德又云優波尼沙陀分者謂少許相近類之無限善根不可將有限比對餘如文自明

○五佛子已下至唯佛能知有十行經明且

舉如上功德廣大分云教住十善道者身三

口四意三是欲界生天善上者出世善云四

禪色界業也初禪滅憂二禪滅苦三禪滅喜

四禪唯寂靜云教住四無量心此是有爲中慈悲喜捨云教住四無色定此是無色界定

已上是三界中善業云教住須陀洹果謂初斷見惑捨異生性初獲聖性入聖行流故故

名入流云教住斯陀含果此云一來謂此聖者雖斷欲界六品惑然爲有餘三品未斷令

勿三

六

此聖者一度來欲界生故名一來果云教住阿那含果此云不還謂斷欲界九品惑盡從此生色界更不來欲界受生故名不來此十使中見道疑未能明了不入羅漢果如十使煩惱一身見二邊見三見取四戒取五邪見

已前五爲利使已後五鈍使見諦斷六貪七
瞋八癡九慢十疑此五鈍使能迷隨行之事
此之十使前五利使須隨洹見諦之後伏之
不起後五鈍使薄貪瞋癡斯隨含斷欲界六
種惑非無色界貪於瞋癡慢三種微而且薄

勿三

七

現行不生非種無故爲上二界報且無瞋爲
修定伏而現行不起爲須斯二果有厭患而
不令增長常求出世之心以此不成三界沈
淪種子阿那含厭令永息唯有見道疑以見
道不分明不能頓超三界業果阿羅漢爲見
道無疑三界業果一時盡故望前三果設斷
九種煩惱唯有疑在不得名爲斷煩惱爲見
諦無明未明總名厭伏不得名斷又羅漢辟
支佛但忻出世淨土菩薩及空觀菩薩爲但
忻出世行六波羅蜜總是折伏現行無明不

得名爲永斷煩惱爲且以空觀折伏無明不
了無明從本已來是不動智佛爲不了根本
以空折伏使令不起乃至十地但得意生身
等不名如來一切種智生以作十真如等觀
斷十種龐重不了無明本是如來根本智故
大用恒寂故一乘佛果教中依佛果發心初
發心時達根本無明是根本無分別智成差
別智大用法門初心之上圓滿一切諸佛共
所乘門名乘一切智乘若智悲願行毫釐不
似佛信心亦不成何況住佛所住生在如來
一切種智家生爲佛真子具諸佛事以智不
異願行平等大悲不異無限境界不異過去
未來劫差別與一念不異應如是定慧照之
可見此是名依佛菩薩正善知識依根本智
發心如下文纔發心菩薩能十方示身成佛

者爲初發心時乘如來不思議一切智乘得
佛種智生如來法界之家乘佛一分之智慧
大慈悲勢分即能如是示身成佛如下頌云
菩薩於佛十力中雖未證得亦無疑菩薩於
一毛孔中普現十方無量刹如是總明初發

心菩薩之德爲得如來一分智力勢分如是
如輪王太子權統王政亦得自在一分與父
王相似

○六法慧菩薩言已下至亦不及一可兩行
半經明前功德不可比對初發心功德喻分
○七何以故已下至無上菩提之心有十四
行半經明初發心菩薩爲起無限心教化一
切衆生不斷佛種性分
○八佛子復置此喻已下至可知邊際有七
行經明且舉速行邊際廣大可知喻分

第
三
分

○九菩薩初發心已下至三藐三菩提心可
十五行經明初發心菩薩所知世界境界無
限難知分

○十佛子復置此喻已下至可知邊際可六
行半經明且舉速知劫數成壞廣多可知分

○十一菩薩初發心已下至了知一切劫神
通智可十六行經明初發心菩薩了劫成壞
難知分

○十二復置此喻已下至可知邊際可六行
經明且舉所解廣大猶可能知分

○十三菩薩初發心已下至三藐三菩提心
可二十行半經明初發心菩薩知解廣大難
知分

○十四佛子復置此喻已下至可知邊際可
六行經明且舉知衆生根廣多猶能可知分

○十五菩薩初發心已下至三藐三菩提心可五行半經明初發心菩薩善知衆生根性廣大難量分

○十六佛子復置此喻已下至可知邊際可四行經明且舉所欲樂廣大猶可知分

○十七菩薩初發心已下至三藐三菩提心可六行經明初心菩薩所知一切衆生欲樂廣大難知分

○十八佛子復置此喻已下至可知邊際可四行經明且舉所知衆生方便廣大猶可知分

○二十二佛子復置此喻已下至不可得知有四行經明且舉所有衆生業廣大猶可知分

○二十三何以故已下至三菩提心可三行半經明初心菩薩知衆生差別業廣大難知分

○十九菩薩初發心已下至三菩提心可六行經明初心菩薩善知一切衆生種種方便廣大難知分

○二十佛子復置此喻已下至可知邊際可

○二十四佛子復置此喻已下至可知邊際有七行經明且舉如衆生煩惱廣大猶可能知分

○二十五菩薩初發心已下至三藐三菩提

心有十六行經明初心菩薩所知一切衆生

煩惱廣大難知分

○二十六佛子復置此喻已下至亦復如是
可九行半經明且舉供養廣大難知猶可知

分

卷三

+

○二十七佛子於汝意云何已下至亦不及
一可四行半經明初發心供養廣大難知分

○二十八佛子復置是喻至亦復如是有十

行半經明且舉供養及起塔廣多猶可知分

○二十九佛子此前功德已下至發是心已

有七行經明初心菩薩供養功德廣大難知
分次直就法說分

○三十能知前際一切諸佛已下至能與諸

佛平等一性可四行經是初發心已能知三
世諸佛成佛及涅槃智慧平等分攝佛功德

分

卷三

十一

○三十一何以故已下至三世智故發心可
九行經明菩薩初發心志意所求甚深深廣
分

○三十二以發心故已下至說法智慧有六

行經明菩薩發心已得三世一切諸佛憶念
與法及自力昇進分得果佛因佛分

○三十三何以故已下至智慧光明有十行
半經明纔初發心菩薩成佛利生同三世諸
佛分化用分無著分

○三十四此初發心菩薩已下至心無所著
有四行半經明初發心菩薩志樂所知世間
出世間無限分瑞分

○三十五爾時佛神力已下至等偏擊有三
行半經明大地震動分

卷三十一

○三十六天雨衆華已下至及天音聲有兩行經明諸天興供分證成分如動地興供明法威力亦明大衆法悅心悅地動明心境體無二故境由心現故

○三十七是時十方已下至悉如是說有四

行半經明十方同號佛來現其前歡譽許可法同分如十方各過萬佛刹微塵數佛同名法慧來現其前者爲明與十方諸佛智慧合故萬佛刹塵者明昇進修行啓迷悟法之量十信十住百十行千總是明昇進見諦解迷悟法之名

○三十八汝說此法時已下至皆悉得聞有五行經明說此法時十方各過萬佛刹塵菩薩發心授記分如萬佛刹微塵數菩薩發心授過千不可說劫成佛之記皆同號之爲清

淨心者亦明達如是千不可說劫量法門總清淨故故佛號清淨心非是實有如情所見長遠之劫也總明當位隨迷悟法之名不是存其劫量之說如妄情之所見也自此以下直至品末如文自具如文稱歎

○三十九如此娑婆世界已下至說如是法有九行半經明十方所說法人及法門一時同說分

○四十爾時法慧已下至說頌有六行半經明法慧菩薩觀欲所緣之法說頌稱歎分已下頌文有二百四十二行四行一頌其頌有六十段頌都計有二百四十行末後兩行頌總結頌意歡勸發心初一百六十八行是總都歡佛果已來五位及信等諸法明初發心者志樂智德總舍一切諸佛智德體用始成

一念初發心菩薩位也方明初發心境與心不二苦惱毫釐不似如來所修法身悲智願行者不名初發心菩薩故

以此初頌有一百六十八行

爲利世間發大心起不與發心

功德止且總歡信等六位因果及如來智德總此止

勿三

十三

歡令初發心者法之相似

然後七十四行頌

又教德衆成緣覺起宣應達發菩提心止

始重

頌前四十段中校量發心功德廣大之量如文具明隨文稱歡四行一頌准例知之如是校量初發心功德設使以等虛空無限境以

一切樂具總供養無限衆生皆令得人天勝樂又教令得四沙門果及辟支佛及三乘出世菩提如是虛空境界及所度衆生雖等然未令所化衆生得成佛亦不可比於此教中初發心乘如來大智等佛所行普化衆生皆

成佛故發菩提心以是義故雖然所舉境界廣狹雖等所化衆生成佛不成佛不等故不可爲比故是故此品下文云初發心菩薩不於三世少有所得所謂若諸佛若諸佛法若菩薩若菩薩法若獨覺若獨覺法若聲聞若聲聞法乃至廣說如經但爲唯求一切智於諸法界心無所著發菩提心畧說菩提其法有四一聲聞菩提二緣覺菩提三權教菩薩菩提四一乘菩薩佛果菩提前三並是出世菩提果菩提是法身大智大悲真俗萬行法界圓滿菩提無出入故三乘菩提雖觀四諦十二緣而亦未知四諦十二緣之實體非獨二乘不知三種意生身菩薩位登十地猶未能悉知唯一乘菩薩以智方知至十地品具明但且畧而總言三乘中觀苦集滅道及

十二緣生及行六波羅密菩薩厭苦忻真但

求出世大悲菩薩方云留惑潤生一乘菩薩以智觀四諦十二緣生無明即智苦諦即聖諦於生死涅槃無解縛性是故此經名苦聖諦集聖諦如是十聖諦十二因緣總是法

勿三

十四

界自性無縛無解自在之緣不名無明不名

苦諦如是總觀萬法如是名爲一乘法界緣起智悲自在任性緣生一切眼耳鼻舌身意無非是法界緣起自在法門一切諸佛知見神通道力以此而有但以禪定觀照諸波羅蜜而顯發之是故學者應如是修如是悟入

已下頌文四行一頌如文自具不煩更釋有智之士隨文稱歎令衆發心

明法品第十八

雜在第十八卷

將釋此品約作三門分別○一釋品名目○

二釋品來意○三隨文釋義

○第一釋品名目者此品爲明前之昇須彌頂品偈讚品十住品梵行品初發心功德品五品法門已發菩提之心得廣大功德此精進慧所問之法有二義一令前五品之法其

心更明二令後所行之法轉勝明白故云明法品明昇進前後法故是精進慧菩薩啓請法慧菩薩言所有大願悉使滿足獲諸菩薩廣大之藏此明前所得法使令更明後之昇進使令明白是修十行之向長養本位十住

勿三

十五

之法

○第二釋品來意及名目如前

○第三隨文釋義分之爲二△一長科經意

△二隨文解釋

△第一長科經意者約科爲三段

○第一初爾時已下長行有三十三行半經
通偈頌有五十五行半明精進慧菩薩請法
分下有分義三段

○第二爾時法慧菩薩已下有六行經明法
慧菩薩許說分下有申義一段

○第三佛子菩薩摩訶薩已下直至品末通
偈頌總明正說法分下有分義二十段

從初第一請法分中義分爲二△一科此一
段經之文意△二隨文解義

△第一科此一段經文意者約科爲三段

○第一爾時已下至靡不樂聞有十二行經

明精進慧菩薩初起請法門分△二隨文解
釋者從初爾時者爾猶此云說此法時也精
進慧菩薩者約位加行成名此通十箇慧之
通稱爲令欲成此位之昇進必藉精進之功

慧者照燭義精進者無思義以無思之慧照
燭有作之功有作本自無功萬法本來自淨
萬法自淨名之爲精無功智應知根利生名
之爲進此約成位進修之稱也菩薩者如常
說也白法慧菩薩者白者明也明著名言申
其所明也云昇一切智乘者明入此位也以
此位菩薩乘一切智乘生如來家入佛種智
爲佛之子恒蒙諸佛之所攝受故明智相應
堪與益故故云攝受云獲諸菩薩廣大之藏
者如十迴向中智藏悲藏等十藏是也云以
第十三

何方便已下正說中十法門是
十六
○第二復次如諸已下至菩薩所行次第願
皆演說有二十一行經明精進慧菩薩并舉
當位應所修行之行及獲益重勸說守護法
分云六通者身通天耳通天眼通宿命通他

心通漏盡通身通者於一剎那際身隨智用周徧十方對現色身隨根普應天耳通者耳根常聞十方一切諸聲天眼通者眼根常見十方一切麤細等色宿命通者智隨三世一切衆生死此生彼所作業行因果悉能知之

他心通者一念能知三世一切衆生心念所欲漏盡通者隨智徧知一切諸法而無情欲順癡愛心此經又有十種通如十通品說三明者一宿命二天眼三漏盡是名三明四無畏者一一切智無畏二漏盡無畏三說障道無畏四說盡苦道無畏相好者此經十身相海也力無所畏者十力也一是處非處力二業力三定力四根力五欲力六性力七一切至處道力八宿命力九天眼力十漏盡力是爲十三世業果名爲處了達非有名非處善

知衆生業因果心定不動如山王衆生根品上中下歡樂種種各差別種種世間諸性分一切道法各不同宿命徧知三世業天眼十方無礙了隨諸分別滿十方心無雜染常無垢如是十種得自在是名如來無畏力十八不共者一佛身無過失二口無過失三念無過失四想無過失五心無不定常在三昧六無不知已捨七者欲無減八者精進無失九念無減十慧無減十一解脫無減十二解脫知見無減十三身業隨智慧行十四口業隨智慧行十五意業隨智慧行十六智慧知過去無礙事十七智慧知未來無礙事十八智慧知現在無礙事所言無過失者妙善相應所言無減者所作善法常無忘失云一切智者云種種智無盡智此明差別智無盡故

如守護分中有二義一明初發心菩薩守護

一切諸佛法藏而能爲人演說二得天王夜

叉王如來法王等守護

○第三爾時已下可一行經明精進慧以偈

說重請法分

如以偈重請分中有二十二行頌初二行頌

歎能說法主已下二十行兩行一頌初兩行
歎初發心菩薩智慧福德超世獲益次兩行

頌勸說昇進之行次兩行頌明大智度衆生
無著次兩行頌明衆行無缺利生令佛種不

絕次兩行頌明堅固功成出離法勝重勸請
說次兩行頌明如來所得之法亦勸請說次兩行
頌明云何演說如來法末後兩行頌明云何
令初發心無畏如師子無著如蓮華

此上三段明請

分法

○第二爾時法慧菩薩已下有六行經明法
慧菩薩許說分於此分中所歎能問之人如

文可知此明許說分

○第三正說分中復分爲二△一長科經意

△二隨文釋義

此下明正說法分

△第一長科經意者從佛子菩薩已發一切
智心已下至品末長科爲二十段

○第一從初佛子已下至住不放逸有十行
經明住十種不放逸法分

○第二佛子已下至十種清淨有十行半經
明住不放逸得十清淨法分△二隨文解釋
者從正說分中菩薩摩訶薩二十段文中但
隨經文義隱言幽方可解之經文自顯處如
文自具不煩更釋如文中深入禪定不沉不

舉者不沈離聲聞滅盡定亦離上二界息慮
禪如色界初禪滅下欲界愁憂不生得一分
輕安寂靜無欲界愛有寂靜愛水灾便至楞
伽經云津潤妄想能生內外水界以愛爲津
潤故水大至如色界第二禪能滅欲界憂苦

不生得一分輕安寂靜爲有覺有觀能緣靜
境猶在火灾便至如第三禪無覺無觀有禪
悅樂心有喜動風灾便至如第四禪身心寂
滅離出入息喜動亦無三灾不至唯妙色身
如白銀清淨光潔衣如金色四禪身長二十

里衣長四十里已下三禪倍倍減半如初會
中已釋如是四禪皆是息心令靜以爲勢分
乃至空處識處無所有處非想非非想定皆
是破除昇進令念不生住寂定故如是破色
界靜色令成無色界空識又破見空之識亦

空名識處定又破識空之見亦無名無所有
定又破無所有心此無想無想之想亦無名
非想非非想定如是上界修禪皆是作意存
情伏心不起不是任性無爲無沈無掉稱真
理智寂用自在不作而爲之定也如欲界定

攀緣五欲名掉色無色界定名沈又聲聞緣
覺定名沈空觀菩薩行六波羅密生於淨土
名掉舉如是三乘之定皆有沈掉爲垢淨未
亡見道不真有忻厭故二乘之定雖無三界
現行之惑皆是厭患對治伏滅無爲無能起
惑我生不起悲智亦亡住滅定者頭上擊鼓
亦不聞知化火燒父母分段身者入變易生
死如是二乘斷惑不分別法意勢相似或有
聲聞以十二緣生法得道如是三乘觀行緣
覺聲聞淨土菩薩所得道者皆是出世三乘

互用通爲九乘大體以約勝鬘經得伏三界
煩惱不起得意生身無分段生死得變易生
死非是應真任智自在無出入體任智應衆
生利樂不息廣如勝鬘之意以是義故色界
無色界及三乘禪有沈有掉如大乘中留惑

勿三

二十

潤生菩薩道前安立三十心菩薩習種性性
種性道種性方入聖種性四攝四無量心三
十七助道品觀十波羅密名目相似若以攝
化境界及見佛數量意生身智生身成佛因
果總皆不同以是義故如是留惑潤生菩薩
所修定亦沈亦掉爲但得三種意生身未得
如來智生身故乃至七八九十地得種類俱
生無行作意生身菩薩但得三界煩惱中空
觀折伏現行不起於意生中自在故非是生
如來一切種智家故非是於如來一切種智

中起慣習故所云成佛定滿三祇所見佛境
初地菩薩但云供養及攝化百佛世界但得
百法明門如此華嚴經者初發心菩薩初發
如來一切種智之心名爲菩提心如初發心
住創生一切諸佛一切種智大智慧家生初
發心時便成正覺爲會諸佛一切種智與自
智一故成佛不出剎那之際以智境界非延
促故攝化境界徧百佛刹微塵又多百佛明
智境德用無盡無限重重故此猶約隨位進
修之言計體一耶一切無限也如十地中初
地菩薩供養多百佛多百千佛雖數不離百
勿三
數然多百即無限與單百即無比是故四念
四攝四無量心十波羅密一一法悉皆無限
是故此十住菩薩所修定業不屬世間出世
間沈掉之定也已釋住於深定不沈不舉竟

如云深入禪定得佛神通者如上色界無色界天及三乘神通色無色界神通息心想淨報得神通二乘神通依定前所念淨土菩薩神通得清淨意樂通如三種意生身是如此經中入深禪定得佛神通者以心稱理元無

出入體無靜亂體無造作性任理自真不生不伏理真智應性自徧周十方一時普應對現色身隨以智應而化羣品而無來往亦不變化名佛神通智無依止無形色體無來去性性自徧周非三世攝而能普應三世之法名曰神通是故經云智入三世而無來往爲三世是衆生情所妄安非實有故爲智體無形色不造作而應羣品名之爲神圓滿十方無法不知無根不識名之爲通

⑤第三佛子已下至能令一切如來歡喜有

十一行半經明行十種法諸佛歡喜分經云依無作門修諸淨行者以此無作門修法界虛空界行海徧周清淨故智無所爲名之爲修知根同事名之爲行行無不利非作非生名之無作門也常處十方一切三界受生利俗而無染淨名之爲淨行故

○第四佛子已下至諸佛歡喜有六行經明安住十法分已上佛歡喜分

○第五佛子已下至令諸菩薩速入諸地有八行經明行此十法速入諸地分經云有十

種法令諸菩薩速入諸地者明雖於初發心住位而徧知諸住諸行諸迴向諸地法門爲一即一切故一切即一故即因即果故即如善財童子見彌勒菩薩已彌勒還令卻見文殊師利明因果不異不離故此亦如是從初

發心位佛果地位一念齊進而亦不出一念

中修成正覺佛因果及菩薩行悉圓滿故如善財一生龍女不出一剎那際三生成佛總相似故云一生成佛者明今生是父母分段身是信心及見道修行生捨分段身入變易

生名爲一生亦不出剎那際無古今性無分段性無變易性萬相如幻故如化故非生滅故無三世故以此初住偏修諸位諸地故貫通諸法總一時一法多少延促自在無礙不出一剎那際故法如是故去情以智觀之可

見經云與三世諸佛同一體性者爲法身智

慧同也三世廣大劫一念同三世諸佛普賢共行大智大悲圓滿同故

④第六復次佛子已下至而自莊嚴入菩薩地有十行經明入地勝進分

勿三

三

④第七佛子有十種法已下至所行清淨有八行經明淨行分經云知一切衆生與諸如來同一體性者三乘菩薩知一切衆生同有如來佛性理性此經知一切衆生同有如來一切種智之性如經下文有經卷如三千大千世界內在小衆生身中有人成佛破此微塵出此經卷言微塵許大衆生皆有佛一切種智故菩薩成佛化之總得如來一切種智故達理之智名一切智差別智名一切種智

○第八菩薩既得行清淨已下至十增勝法
○第九佛子已下至是爲菩薩十種清淨願有七行半經明大願成行利生分
○第十佛子已下至守護無上法門有七行經明行十法令大願圓滿分經云聞諸佛土

有八行經明昇進轉增分

有八行經明昇進轉增分

悉願往生者不出塵中智徧現應供養十方一切諸佛而無來去

○第十一佛子菩薩滿足如是願已下至如應說法有九行經明十種無盡藏分

○第十二所謂知其所作已下至具足莊嚴

波羅密道有十六行經明菩薩知根利益分

○第十三是時已下至令三寶種永不斷絕有五十二行半經明行十波羅密利益衆生諸對治分經云諸次第定者色界四禪菩薩次第能入於無色界四禪菩薩悉能順入或超間入出如涅槃經闡維分說從初禪入三禪出空處入無所有出非想處入識處出如是超間如是次第如此經方網三昧一方入定十方起十方入定一方起等具如十信位中說三摩鉢底智印者明寂用同起印諸萬

法無不明了如大海水而現萬像淨智普印一切萬法皆能了知而無能所亦無作者經云入真三昧者無三界及三乘染淨沈掉是也離諸僻見者有無二見是內見外見身見邊見戒取見取等總是乃至六十二見是六

十二見者於一切法上計有四見一常二無常三亦常亦無常四非常非無常於五陰上各有四見四五二十三世五陰上合爲六十本二見共爲六十二見一切僻見不離此也經云善觀諸法得實相印者以無作無依無相大智印印諸萬法起唯法起無有無明三世計著名實相印普門慧者徧知衆生諸根及法智一切智智種種差別智也色界衆生爲住定故教令起觀修無相觀者教微妙智慧爲相不當情智慧利故

④第十四所以者何已下至念念具足十種

莊嚴可有十八行經明令三寶種永不斷絕

分六和敬法者一身二口三意四戒五施六

見名爲六和敬法於衆生田中下佛種子者

示一切衆生菩提理智故及微少善根爲勝

勿三

五

緣故

⑤第十五何者爲十已下至度脫無量無邊

衆生有三十行經明以十種莊嚴令見者發

心無空過分六通前已釋訖如十通品說十

通如經具明

⑥第十六佛子已下至如是自在力已有二

十三行經明菩薩初發心得與佛平等法堪

爲大法師分

⑦第十七假使有不可說世界廣大道場已

下至及護持法故有十三行半經明處衆無

畏說法自在身無映蔽分

⑧第十八爾時已下可一行經明法慧以頌
歎法分

⑨第十九如此以頌歎法中有二十行頌兩

行一頌如文其義自具隨文稱歎

⑩第二十最下一行經明大衆聞法歡喜奉

行分

○第四會夜摩天說十行法門此之一會昇
夜摩天是序分從偈讚品已下是正說分動

地興供是流通分

大方廣佛華嚴經論卷第二十三

音釋

恰告洽
劫灑所樂
劫沮音
劫鈍徒
劫固